

平度志要

田二賦

地  
140.33  
139  
12

2



田賦

謹案田賦條內目列墾田升科若干遵閱光緒十二年平度州賦役全書一冊又收併鼇山衛浮山所大嵩衛賦役全書一冊與前志所載道光十六年平度州賦役全書同人多地寡粒食維艱山田則苦磽确窪田則苦水潦自咸豐辛酉而後地價昂貴四倍於前力田尚須逢年皆無入官荒產境內所產附城者如有田二十畝以十四畝種麥割麥種豆歲再獲三畝種穀二畝種秫一畝種黍或則四畝種穀二畝種秫歲一獲東北山莊略如是間種稷種稻西南極窪之地多種秫種稷孟子所謂稗也若水潦傷稼則待其涸種麥而已此其大較也沙磧之地五穀不生道光二十二年知州周雲鳳始教民種長生果製油作餅餅以糞田餵豬其用與豆餅同年饑人亦食之野薯蕷俗名地瓜麥收而栽霜降而出三月栽者名曰春瓜最宜沙田山田今窪地亦盛栽矣以其不畏旱潦易為食且耐久兼無棄物不勞杵臼煮而食之甘如飴掘地作井深不及泉藏於井中食可經年豐收而不勝食切而曬之尤易藏且易飽秋葉盛時莖葉采而乾之可作菜蔬其蔓饅豬易肥山居約十畝之產率以其半栽地瓜矣獨光緒十八年一畝獲不盈筐三農大苦此亦非常之變矣有關食貨新出品物惟此二者而已備貢方物列入賦役全書者棉花絨三斤四兩五分有奇水膠一百八十一斤五兩有奇蒼朮五十一斤牛角弓面三十七副棉花



惟甯公官亭二鄉間或種之而亦不得樹菽之法不足給紡績之  
用四境之內皆用西花南花西花車運來自青州南花船運來自  
淮揚或彼花不豐州民幾無以禦冬水膠惟用樂安所出蒼朮方  
藥所常需皆用茅山牛角弓面徧詢諸工無能知其名者故本色  
皆折銀而數詳賦役全書鹽法詳前志永為定例無增無減蓋入  
地丁內徵收扣解運司以無引故也常平倉穀額存四萬八千石  
盤查案內報明知州徐樂山虧缺一百四十二石九斗知州周承  
儀以修理獨埠灰埠墩房核減作抵一百二十八石六斗一升七  
合六勺六抄以上二項追價買補再盤查案內報明完存司庫虧  
缺穀價抵穀一千六十六石六斗五升九合上項俟發價下州買  
補再嘉慶十七年糶賑案內用穀一千六百八十一石八斗八升  
一合上項俟追賠銀兩解齊發州買補再清查案內知州保忠虧  
缺四千七百一十六石一升九合六勺六抄又盤折五百八十七  
石二斗三升以上二項追價買補豁免道光十五年二十五年出  
借民欠九百三十五石八升一合五勺七抄再咸豐十年解免高  
唐營兵餉二千石再奉撥博山縣運青不敷兵米一千三百四十  
八石九斗一升六合二勺再咸豐十年奉撥高唐營冬季兵餉一  
千石再咸豐十一年奉撥鄒平等縣運青不敷三千三百三十八  
石九斗一升九合八勺再同治元年奉撥鄒平等縣運青不敷七  
百一十一石八斗三升一合八勺再同治二年奉撥淄川利津運



青不敷九十六石一斗六升六合六勺再解兌青州滿營七千三百八十二石四斗九升八合五勺再知州李岱霖虧缺三千五百二十一石二斗八合八勺一抄零變五千四百五十七石五斗六升九合四勺奉撥兵穀糶變例價不敷應賠盤折三千七百七十六石五斗再報明抵除各前任應捐八十二石三斗五升五合五勺以上共三萬八千石未買未完共二萬一千一百六十石九斗四升一合三抄較額缺穀一萬六千八百一十三石四斗一升四合四勺七抄內豁免道光十五年二十五年出借民欠九百三十五石八升一合五勺七抄又奉撥各案兵穀一萬五千八百七十八石三斗三升二合九勺共一萬六千八百一十三石四斗一升四合四勺七抄均歸額缺項下造報光緒十七年存儲常平倉穀二十五石六斗四升四合五勺社倉穀額存五千八百七十二石九斗七升六合二勺社長楊化清虧缺四百三十五石二斗五升二合二勺內有追完解存司庫穀價合穀二十三石八升三合五勺再嘉慶十七年民借四百二十一石五斗七升九合八勺再道光十三年民借一千九百石再道光二十八年奉派採買一千二百五十六石二斗二升二勺以上三項知州吳慈奉派未買已將穀價解存司庫再咸豐十一年捻幅焚搶無存一千八百五十九石九斗二升四合飭各前任分賠買補此倉儲虛實之實在情形也又光緒七年山東巡撫任道鎔札飭積穀備荒知州吉燦升遵



札積至九千五百四十二石七斗四升七合四勺十三年知州許  
頌鼎在城內倉巷子建立倉廩歸併存穀四千九百二十四石二  
斗七升六合其去城太遠以及東北萬山之中轉運維艱折耗貽  
累稟請糶存京錢一萬一千六百八十六千四百八十八發當承  
領週年一分取息俟收成穀價平減買穀入倉十七年知州高靖  
鎮因境內糧價昂貴全數減價平糶京錢一萬三千三百五十二  
千四百二文此又印官與地方紳耆交相管理者也自明崇禎五  
年經孔李屠戮之亂人民凋敝極矣幸逢我

朝定鼎海隅歸順民獲安堵康熙五十二年又定丁賦以五十年六  
萬一千六十一丁為額自此以後皆為

盛世滋生人丁永不加賦著為例休養生息幾二百年安居樂業民  
不知兵迨咸豐十一年猝經捻幅流離奔逃兩月之久不得棲止  
采菽種麥皆失其時滿目創痍尚未甦息同治六年焚掠尤慘夏  
初秋末為日更多戶口流亡十去二三故同治元年編查保甲戶  
一十六萬四千四百六十六口九十八萬六千五百一十九又收  
併鼇山大嵩兩衛戶四千五百五十五口二萬七千五百五合計戶一  
十六萬八千五百二十一口一百一萬四千二十四光緒元年戶  
一十六萬四千九百八十口九十九萬三千一十八又收併鼇山  
大嵩兩衛戶四千二百七十五口三萬六十二合計戶一十六萬  
九千二百五十五口一十二萬三千八十光緒十八年戶一十六



萬六千七百六十四口一百萬五千六百一十又收併鼇山大嵩  
兩衛戶四千六百六十八口三萬三千五百七十六合計戶一十  
七萬一千四百二十二口一百三萬九千一百八十九較同治間  
有增無減惟賦役全書開載地畝總稽二萬九千三百九十四頃  
七十九畝有奇提封之田祇有此數加以深山石田近海潮淹旱  
潦不時歲所恒有民雖惜物力慎蓋藏而生齒日繁人多地寡備  
力謀食餘丁猶難數計故浮海至關外三省以求生活者終歲絡  
繹於道非今斯今自昔為然十餘年來且有至東洋者矣民有餘  
而食不足其可慮者此也州居齊之東偏非四達之衝惟新河灰  
準為濟南青登大道使車之往來驛傳之供應馬匹之楚草民夫  
之工食本有地丁留支而額限有數不敷支銷道光間知州李天  
錫以差役承雇車馬派勒擾民有舉人陳敷廩生李文煜謝銓附  
生官煒崔汝霖等呈稱六曲喬郭莊等村官荒地畝有該處居民  
胡景山王升方等私墾成熟互爭訐控累年滋訟未有息時生等  
公同商酌出錢千緡買荒入官發當生息以充膠東書院膏火地  
畝招佃承種按季納租以供差車夫馬之需官無賠墊民免滋擾  
當即准行共地一百二十五畝七釐六毫勒碑署東土地祠冊簿  
存檔名車公田此徭役奉行已久官民相安而永無更變者也





